

RHAGOLWGW

Gellir dod o hyd i ddogfennau ategol perthnasol dan "Busnes y Cynulliad" "Dogfennau a Osodwyd" sydd, fel arfer, yn cael eu gosod ar y wefan 3 diwrnod gwaith cyn y cyfarfod llawn perthnasol.

[Hysbyswyd gan y Trefnydd mewn datganiad i'r cynulliad Dydd Mawrth 13 Mehefin 2006]

Dydd Mawrth 20 Mehefin a dydd Mercher 21 Mehefin 2006

Dydd Mawrth 27 Mehefin a dydd Mercher 28 Mehefin 2006

Dydd Mawrth 4 Gorffennaf a Dydd Mercher 5 Gorffennaf 2006

Dydd Mawrth 20 Mehefin 2006

- **Cwestiynau i Brif Weinidog Cymru (45 munud)**

- **Y Datganiad Busnes (10 munud)**

- **Datganiad gan y Gweinidog dros Blant: Cronfeydd Ymddiriedolaeth Plant (30 munud)**
- **Cynnig i gymeradwyo o dan Reol Sefydlog 24.25 (1 munud)**

Ø **Gorchymyn Iechyd Planhigion (Cymru) 2006**

Bydd y Gorchymyn yn rhoi nifer o Gyfarwyddebau Ewropeaidd ar waith yng Nghymru sy'n diwygio Cyfarwyddebau 2000/29/EC a 2002/89/EC y Cyngor. Mae Cyfarwyddeb 2000/29/EC yn sefydlu trefn i'r Gymuned ar gyfer iechyd planhigion ac yn cynnwys mesurau i atal cyflwyno plâu a chlefydau difrifol ar blanhigion a chynnyrch planhigion i'r Gymuned, a'u rhwystro rhag ymledu. Mae Cyfarwyddeb 2002/89/EC yn cyflwyno newidiadau sylweddol i'r drefn ar gyfer archwilio mewnfôrion o drydydd gwledydd. Yn ogystal, bydd y Gorchymyn yn atgyfnerthu'r diwygiadau amrywiol sydd wedi'u gwneud i Orchymyn Iechyd Planhigion (Prydain Fawr) ers ei gyflwyno ym 1993.

- **Cynnig i drafod y ddwy eitem a ganlyn gyda'i gilydd, ond gan gynnal pleidlais ar wahân (15 munud)**

• **Cynnig i gymeradwyo Rheoliadau Gweithdrefn Tribiwnlys Eiddo Preswyl (Cymru) 2006**

Mae'r Rheoliadau hyn yn pennu trefn i dribiwnlysoedd eiddo preswyl ei dilyn wrth benderfynu ar geisiadau ac apelau yng Nghymru o dan Ddeddf Tai 2004 neu Ran 9 Deddf Tai 1985.

Y ceisiadau a'r apelau y mae'r Rheoliadau hyn yn ymwneud â nhw yw:

- apelau oddi wrth awdurdodaethau cost;
- apelau yn erbyn diffyg gorchmynion rheoli dewisol;

- cymeradwyo gorchmynion rheoli anheddau gwag;
- apelau yn erbyn hysbysiadau gwella;
- apelau yn erbyn gorchmynion rheoli anheddau gwag interim;
- awdurdodi gorchmynion rheoli interim;
- cymeradwyo gorchmynion amrywio'r lês; a
- cheisadau am bwerau a gorchmynion gweithdrefnau.

- **Cynnig i gymeradwyo Rheoliadau Tribiwnlys Eiddo Preswyl (Ffioedd) (Cymru) 2006**

Mae'r Rheoliadau hyn yn pennu'r ffioedd sydd i'w talu pan wneir apêl neu gais penodol i dribiwnlys eiddo preswyl.

- **Dadl wedi'i henwebu gan Blaid Cymru (45 munud)**
- **Dadl ar yr Adroddiad Blynyddol ar Gyfiawnder Cymdeithasol (60 munud)**

Dydd Mercher 21 Mehefin 2006

- **Cwestiynau i Brian Gibbons, y Gweinidog dros Iechyd a Gwasanaethau Cymdeithasol (30 munud)**

- **Cwestiynau i Alun Pugh, y Gweinidog dros Ddiwylliant, y Gymraeg a Chwaraeon (30 munud)**

- **Cwestiynau i Bwyllgor y Ty (5 munud)**

- **Cynnig i gymeradwyo Gorchymyn Deddf Addysg Uwch 2004 (Cychwyn Rhif 2 a Darpariaethau Trosiannol) (Cymru) (Diwygio) 2006 (15 munud)**

Mae'r Gorchymyn hwn yn diwygio'r gorchymyn presennol, Gorchymyn Deddf Addysg Uwch 2004 (Cychwyn Rhif 2 a Darpariaethau Trosiannol) (Cymru) 2005, sy'n trosglwyddo'n ffurfiol y pwerau dros bolisi cymorth i fyfyrwyr oddi wrth yr Ysgrifennydd Gwladol i Gynulliad Cenedlaethol Cymru. Bydd y Gorchymyn diwygio yn newid y dyddiad trosglwyddo, sydd ar hyn o bryd wedi'i osod ar gyfer 1 Medi 2006, i 23 Mehefin 2006. Bydd y newid hwn yn galluogi'r Cynulliad i drosglwyddo'n ffurfiol swyddogaethau o dan adran 23 o Deddf Dysgu ac Addysg Uwch 1998 i'r Awdurdodau Addysg Lleol (AALlau) a'r Cwmni Benthyciadau i Fyfyrwyr (SLC), a'u galluogi i gyflawni eu swyddogaethau yn darparu'r system gcymorth i fyfyrwyr ar gyfer blwyddyn academaidd 2006/07.

- **Cynnig i gymeradwyo Gorchymyn Cynllun Pensiwn Dynion Tân (Cymru) (Diwygio) 2006 (15 munud)**

Mae'r Gorchymyn hwn yn gwneud nifer o newidiadau i Gynllun Pensiwn y Diffoddwyr Tân i adlewyrchu'r newidiadau mewn deddfwriaeth arall, fel Deddf Partneriaeth Sifil 2004; i gywiro anghysonderau sydd wedi codi, megis y newidiadau mewn terminoleg sy'n ymwneud â Gwasanaeth; ac i adlewyrchu newidiadau eraill sydd wedi digwydd yn sgil yr ymgynghoriad trwy'r DU, fel cyfnewid oed ymddeol gorfodol am oed ymddeol arferol.

- **Dadl ynghylch yr Adroddiad Blynyddol ar y Cynllun Datblygu Cynaliadwy (60 munud)**
- **Dadl fer (30 munud)**

- **Dadl fer (30 mins)** Mick Bates (Sir Drefaldwyn): Archfarchnadoedd - Jolly Green Giants neu Incredible Hulks? – wedi'i ohirio ers 24 Mai 2006

Dydd Mawrth 27 Mehefin 2006

- **Cwestiynau i Brif Weinidog Cymru (45 munud)**
- **Y Datganiad Busnes (10 munud)**
- **Cynnig i gymeradwyo o dan Reol Sefydlog 24.25 (1 munud)**

Ø **Rheoliadau Eitemau Ceramig mewn Cyffyrddiad â Bwyd (Cymru) 2006**

Diben y Rheoliadau hyn yw gweithedu Cyfarwyddeb 2005/31/EC. sy'n diwygio Cyfarwyddeb y Cyngor 84/500/EEC. Mae'r Gyfarwyddeb yn gosod terfyn ar lefelau plwm a chadmiwm (metel gwenwynig sy'n cael ei ddefnyddio fel gwydredd) a ganiateir i drosglwyddo o eitemau ceramig a ddaw i gysylltiad â bwyd. Mae hefyd yn yn rhagnodi'r dulliau profi sydd i'w defnyddio i fesur faint o blwm a chadmiwm sy'n cael eu trosglwyddo. Mae'r Gyfarwyddeb hefyd yn ei gwneud yn ofynnol gwneud datganiad o gydymffurfedd o ran y terfynau hyn ac mae'n cyflwyno modd sydd wedi'i seilio ar berfformiad i'r dull dadansoddol o fesur y lefelau trosglwyddo.

Ø **Rheoliadau Gofal Iechyd Preifat a Gwirfoddol ac Amrywiol (Cymru) (Diwygio) 2006**

Mae'r Rheoliadau hyn yn dod ag Asiantaethau Meddygol Annibynnol o dan awdurdod rheoleiddio Arolygiaeth Gofal Iechyd Cymru (AGIC). Daeth Rheoliadau Gofal Iechyd Preifat ac Annibynnol (Cymru) 2002 i rym ym mis Ebrill 2002. Y bwriad adeg yr ymgynghoriad oedd cynnwys Asiantaethau Meddygol Annibynnol yn y Rheoliadau hyn. Serch hynny, penderfynwyd dileu'r cyfeiriad atynt wedi hynny, oherwydd credid nad oedd unrhyw un ohonynt yn bodoli yng Nghymru. Er nad oes unrhyw dystiolaeth o hyd i awgrymu bod unrhyw asiantaethau o'r fath yng Nghymru, bellach ystyrir ei bod yn synhwyrol er lles cyflawnder a chysodeb â Lloegr, ac er mwyn mynd i'r afael â materion trawsffiniol, i'w cynnwys yn y Rheoliadau ac i ddatgan bod y Safonau Gofynnol Cenedlaethol yn berthnasol i

asiantaethau o'r fath. Y bwriad yw y bydd y Safonau Gofynnol Cenedlaethol yn dod i rym ar 6 Gorffennaf 2006, ar y cyd â'r Rheoliadau hyn, ond byddant yn cael eu cyflwyno ar wahân o dan Reol Sefydlog 29.

- **Cynnig i gymeradwyo o dan Reol Sefydlog 25 rhan 2, Gorchymyn Iechyd Planhigion (Tystysgrifau Allforio) (Cymru) 2006 (1 munud)**

Mae Gorchymyn Iechyd Planhigion (Tystysgrifau Allforio) (Cymru) 2006 yn ailgyflwyno taliadau sy'n berthnasol i wasanaethau sy'n ymwneud â chyflwyno tystysgrifau iechyd planhigion a thystysgrifau iechyd planhigion ar gyfer gwasanaethau ailallforio a chynallforio a gynhaliwyd cyn y cyflwynwyd cais am dystysgrif.

- **Cynnig i gymeradwyo Rheoliadau Byrddau Lleol ar gyfer Diogelu Plant (Cymru) 2006**

Y Rheoliadau yw'r fframwaith sylfaenol ar gyfer sefydlu Byrddau Lleol Diogelu Plant yng Nghymru. Mae'r Rheoliadau yn cynnwys:

- swyddogaethau'r Byrddau;
- aelodaeth y Byrddau;
- cynnal adolygiadau o achosion difrifol;
- gweithdrefnau'r Byrddau; a
- swyddogaethau awdurdodau lleol mewn perthynas â'r Bwrdd.

Bydd y Byrddau Lleol Diogelu Plant yn disodli'r Pwyllgor Ardal Amddiffyn Plant anstatudol, a byddant yn cyd-drefnu yr hyn sy'n cael ei gyflawni gan eu haelodau i ddiogelu a hyrwyddo lles plant yn ardal yr awdurdod lle y'u sefydlwyd, yn ogystal ag yn sicrhau effeithlonrwydd y Byrddau.

Cynnig i drafod y naw eitem a ganlyn gyda'i gilydd, ond gan gynnal pleidlais ar wahân (45 munud)

- **Cynnig i gymeradwyo Rheoliadau System Fesur Iechyd a Diogelwch ar gyfer Tai (Cymru) 2006**

Mae'r Rheoliadau hyn yn rhagnodi disgrifiadau o beryglon at ddibenion Deddf Tai 2004. Maent hefyd yn rhagnodi dull o asesu difrifoldeb y peryglon sy'n cael eu disgrifio a chyfrifo'r sgor rhifyddol a ddefnyddir y benderfynu i ba fand a ragnodir yn y Rheoliadau y mae'r perygl yn perthyn.

- **Cynnig i gymeradwyo Gorchymyn Tai (Gorchmynion Rheoli Dros Dro) (Amgylchiadau Rhagnodedig) (Cymru) 2006**

Mae'r Gorchymyn hwn yn darparu'r set o sefyllfaoedd sy'n un o'r amodau sydd angen i driwlynlys eiddo preswyl eu bodloni cyn y gall awdurdodi awdurdod tai lleol i wneud gorchymyn rheoli interim mewn perthynas â thy sy'n cael ei feddiannu o dan un neu ragor o denantiaethau neu drwyddedau, nad oes yr un ohonynt wedi'i eithrio o'r gofynion trwyddedu yn Rhan 3 o Ddeddf Tai 2004.

- **Cynnig i gymeradwyo Rheoliadau Trwyddedu a Rheoli Tai Amlfeddiannaeth a Thai Eraill (Darpariaethau Amrywiol) (Cymru) 2006**

Mae'r Rheoliadau hyn yn ategu'r darpariaethau trwyddedu sydd yn Rhannau 2 a 3 o Ddeddf Tai 2004. Maent yn amlinellu pryd y dylid ystyried bod pobl yn rhan o un aelwyd, ar gyfer penderfynu a yw adeilad yn dy amlfeddiannaeth; mae'n darparu y dylid trin llety sy'n cael ei feddiannu gan weithwyr mudol, gweithwyr tymhorol a cheiswyr lloches fel unig neu brif breswylfa y bobl hynny; mae hefyd yn nodi cynnwys y ceisiadau am drwyddedau a'r safonau y dylid eu defnyddio wrth benderfynu pa mor addas yw trwyddedu adeilad yn dy amlfeddiannaeth. Mae'n nodi'r gofynion cyhoeddi

sy'n ymwneud â dynodi ardaloedd sydd i fod yn destun prosesau trwyddedu ychwanegol neu ddetholus, ac â diddymu dynodiadau o'r fath. Mae hefyd yn nodi cynnwys y rhestrau y mae awdurdodau tai lleol yn eu cynnal o drwyddedau a roddwyd, hysbysiadau eithrio dros dro a gorchmynion rheoli. Yn olaf, maent yn ategu atodlen 14 o'r Ddedf drwy nodi pa adeiladau eraill nad ydynt yn cael eu diffinio fel tai amlfeddiannaeth at ddibenion y Ddeddf (ac eithrio Rhan 1).

- **Cynnig i gymeradwyo Gorchymyn Trwyddedu Tai Amlfeddiannaeth (Disgrifiadau Rhagnodedig) (Cymru) 2006**

Mae'r Gorchymyn hwn yn rhagnodi disgrifiadau o dai amlfeddiannaeth a fydd yn testun prosesau trwyddedu gan awdurdodau tai lleol o dan ddarpariaethau Rhan 2 o Ddeddf Tai 2004. Mae'r Gorchymyn yn ei gwneud yn ofynnol trwyddedu pob ty amlfeddiannaeth o dri llawr neu ragor sy'n cael ei feddiannu gan pum person neu ragor mewn dau neu ragor o aelwydydd ar wahân, onibai bod y ty amlfeddiannaeth wedi ei eithrio dros dro o'r gofynion, neu ei fod yn cael ei reoli gan awdurdod tai lleol trwy gyfrwng gorchymyn rheoli.

- **Cynnig i gymeradwyo Rheoliadau Rheoli Tai Amlfeddiannaeth (Cymru) 2006**

Mae'r Rheoliadau hyn yn nodi dyletswyddau rheolwyr tai amlfeddiannaeth ac yn nodi beth sy'n rhaid i feddiannwyr ei wneud i gynorthwyo rheolwyr i gyflawni eu dyletswyddau.

- **Cynnig i gymeradwyo, o dan Reol Sefydlog 29: Canllawiau Gorfodi Amodau Tai (Deddf Tai 2004: Rhan 1 - System Mesur Iechyd a Diogelwch ar gyfer Tai)**

- **Cynnig i gymeradwyo o dan Reol Sefydlog 29, The Housing Health and Safety System: Operating Guidance (Housing Act 2004 : Pt 1)**

- **Cynnig i gymeradwyo Rheoliadau Tai Amlfeddiannaeth (Sefydliadau Addysgol Penodedig) (Cymru) 2006**

Mae'r Rheoliadau hyn yn dynodi adeiladau nad ydynt yn dai amlfeddiannaeth at ddibenion Atodlen 14 o Ddeddf Tai 2004 os ydynt yn cael eu meddiannu gan bobl sy'n ymgymryd â chwrs addysg bellach llawnamser mewn sefydliad dynodedig neu mewn sefydliad o ddisgrifiad arbennig. Mae'r Rheoliadau hefyd yn dynodi mai'r sawl sy'n rheolydd neu'n rheolwr ar yr adeilad yw'r sefydliad addysgol dan sylw.

- **Cynnig i gymeradwyo Gorchymyn Tai (Cymeradwyo Codau Ymarfer Rheoli) (Llety Myfyrwyr) (Cymru) 2006**

Mae'r Gorchymyn hwn yn cymeradwyo tri cod ymarfer sy'n nodi safonau ymddygiad ac ymarfer sydd i'w dilyn wrth reoli tai amlfeddiannaeth ac adeiladau eraill sy'n cael eu meddiannu yn unig neu yn bennaf gan fyfyrwyr llawnamser. Yr adeiladau eraill yw adeiladau nad ydynt yn dai amlfeddiannaeth, sef neuaddau preswyl Prifysgolion a llety sy'n cael ei ddarparu ar gyfer myfyrwyr gan y sector masnachol o dan Ddeddf Tai 2004.

- **Cynnig i gymeradwyo Gorchymyn Rheoli Clefydau a Phlâu Gwenyn (Cymru) 2006 (15 munud)**

Mae Gorchymyn Rheoli Clefydau Gwenyn 1982 a Gorchymyn Mewnforio Gwenyn 1997 yn darparu'r mesurau presennol i ddiogelu iechyd y nythfeydd gwenyn mêl ym Mhrydain Fawr. Gyda'i gilydd, maent yn ei gwneud yn orfodol hysbysu pan bod amheuaeth o glefyd hysbysadwy, maent yn galluogi arolygwyr awdurodedig o weny yn i arolygu a thrin gwenyn am glefydau hysbysadwy, ac maent yn gwahardd mewnforio gwenyn o drydydd gwledydd ac eithrio o dan drwydded.

Bydd Gorchymyn Rheoli Clefydau a Phlâu Gwenyn (Cymru) 2006 yn diddymu ac yn disodli Gorchymyn Rheoli Clefydau Gwenyn 1982 a Gorchymyn Mewnforio Gwenyn 1997. Mae'r Gorchymyn yn nodi'r mesurau diwygiedig i reoli dau glefyd hysbysadwy endemig yng Nghymru, sef Pla Gwenyn America a Phla Gwenyn Ewrop. Er gwaethaf eu henwau tebyg, mae'r ddau yn cael eu hachosi gan ddau fateria digysylltiad, ac mae'r ddau glefyd i'w cael yn y DU. Mae Pla Gwenyn America yn cael ei achosi gan facteriwm o'r

enw Paenibacillus larvae subsp. larvae. Mae Pla Gwenyn Ewrop yn cael ei achosi gan bacterium o'r enw Melissococcus plutonius. Mae'r Gorchymyn hefyd yn cyflwyno mesurau newydd a fyddai'n cael eu defnyddio pe deuid o hyd yn y dyfodol i'r plâu ecsotig o wenyn, chwilen fach y cwch a gwyddon tropïaelaps. Bydd y ddau yn cael eu dynodi yn hysbysadwy.

- **Cynnig I gymeradwyo The Education (School Inspection) (Wales) Regulations 2006 (15 munud)**
- **Cynnig I gymeradwyo The National Minimum Standards for Private and Voluntary Health Care Service 2006 o dan Reol Sefydlog 29 (15 munud)**
- **Dadl ar Adroddiad y Pwyllgor Seilwaith Rheilffyrdd (60 munud)**

Dydd Mercher 28 Mehefin 2006

- **Cwestiynau Llywodraeth Leol i Sue Essex, y Gweinidog dros Gyllid, Llywodraeth Leol a Gwasanaethau Cyhoeddus (30 munud)**
- **Cwestiynau i Jane Davidson, y Gweinidog dros Addysg a Dysgu Gydol Oes (30 munud)**
- **Cynnig I gymeradwyo The Tir Gofal (Wales) (Amendment) Regulations 2006 (15 munud)**
- **Dadl ar Adroddiad Blynyddol Cynllun y Bartneriaeth Llywodraeth Leol (60 munud)**
- **Dadl ar Adroddiad y Pwyllgor Diwylliant, y Gymraeg a Chwaraeon ar Bapurau Newyddion yng Nghymru (60 munud)**
- **Dadl fer (30 munud)**

Dydd Mawrth 4 Gorffennaf 2006

- **Cwestiynau i'r Prif Weinidog (45 munud)**
- **Datganiad Busnes (10 munud)**
- **Cynnig I gymeradwyo The Home Loss Payments (Prescribed Amounts) (Wales) Regulations (15 munud)**
- **Cynnig I gymeradwyo The Local Health Boards (Establishment) (Wales) (Amendment) Order 2006 (15 munud)**
- **Cynnig I gymeradwyo The National Health Service (Charges for Drugs and Appliances) (Wales) (Amendment) (No.2) Regulations 2006 (15 munud)**
- **Cynnig I gymeradwyo The National Health Service (Optical Charges and Payments) (Amendment) (Wales) Regulations 2006 (15 munud)**
- **Cynnig I gymeradwyo Directions to Caerphilly Local Health Board and Rhondda Cynon Taff Local Health Board 2006 o dan Reol Sefydlog 29 (15 munud)**
- **Dadl wedi'i henwebu gan Blaid Geidwadol Cymru (45 munud)**
- **Dadl ar Gynnig o dan Reol Sefydlog 31 gan Michael German AC (45 munud)**

Cynigir drwy hyn bod Cynulliad Cenedlaethol Cymru yn cefnogi mewn egwyddor ddeddfwriaeth i ddiwygio:

- a) Deddf Cyllid Llywodraeth Leol 1992, am gyfnod o 3 blynedd, a
- b) Gorchymyn Cynllunio Gwlad a Thref (Datblygu Cyffredinol a Ganiateir) 1995

er mwyn cymell a'i gwneud yn haws i ddeiliaid tai osod technolegau microgynhyrchu yn eu tai.

Dydd Mercher 5 Gorffennaf 2006

- **Cwestiynau i Edwina Hart, y Gweinidog dros Gyfiawnder Cymdeithasol ac Adfywio (30 munud)**

- **Cwestiynau i Andrew Davies, y Gweinidog dros Fenter, Arloesi a Rhwydweithiau (30 munud)**

- **Cwestiynau i Jane Hutt, y Trefnydd, yn unol â Rheol Sefydlog 6.28 ac fel y nodwyd yn y rhestr o gyfrifoldebau'r Gweinidogion (30 munud)**

- **Datganiad gan y Gweinidog dros Addysg, Dysgu Gydol Oes a Sgiliau: Ymateb Llywodraeth Cynulliad Cymru i Adroddiad y Pwyllgor Addysg, Dysgu Gydol Oes a Sgiliau: Rhan 2 yr Adolygiad Polisi Anghenion Addysgol Arbennig (30 munud)**

- **Cynnig I gymeradwyo o dan Reol Sefydlog 29 (1 munud)**
 - **The Assembly Learning Grants (European Institutions) (Wales) Regulations 2006**

 - **The Education (Fees and Awards) (Amendment) (Wales) Regulations 2006**

- **Cynnig i gymeradwyo Gorchymyn Pysgota Môr (Stoc o Gegdduon Gogleddol) (Cymru) 2006 (15 munud)**

Mae'r Gorchymyn hwn yn darparu ar gyfer rheoli pysgota a glanio Cegdduon Gogleddol yng Nghymru, drwy wella'r drefn o fonitro a gorfodi gweithgareddau'r cychod sy'n dal Cegdduon. Bydd hynny'n ei gwneud yn haws i orfodi'r cyfyngiadau cwota a thrwy hynny'n sicrhau yr adferir y stoc.

- **Cynnig i drafod y ddwy eitem a ganlyn gyda'i gilydd, ond gan bleidleisio arnynt ar wahân (15 munud)**

- **Cynnig i gymeradwyo Gorchymyn Ffliw Adar a Ffliw sy'n Deillio o Adar mewn Mamaliaid (Cymru) 2006 o dan Reol Sefydlog 24.27(iv)**

- **Cynnig i gymeradwyo Rheoliadau Ffliw Adar (Brechu) (Cymru) 2006 o dan Reol Sefydlog 24.27 (iv)**

Bydd y Gorchymyn a'r Rheoliadau hyn yn trosi'r Gyfarwyddeb Ffliw Adar (Cyfarwyddeb EC 2005/94) sy'n pennu'r rheolaethau ar gyfer Ffliw Adar. Bydd y trosi yn golygu, yn bennaf, ymgorffori yn y Gorchmynion Trosi brif sylwedd Rheoliadau Ffliw Adar (Mesurau Atal) (Cymru) (Rhif 2) 2005 a Rheoliadau Ffliw Adar (Mesurau Atal Mewn Swau) (Cymru) (Rhif 2) 2005 a wnaethpwyd fis Rhagfyr y llynedd i weithredu Penderfyniadau'r Comisiwn, sy'n dod i ben ddiwedd mis Rhagfyr 2006. Penderfyniadau'r Comisiwn yw 2005/734 /EC fel y'i diwygiwyd gan 2005/745/EC a 2005/744/EC.

- **Dadl ar Adroddiad y Pwyllgor Cyfiawnder Cymdeithasol ac Adfywio: Ailstrwythuro'r Heddlu (60 munud)**

- **Dadl Fer (30 munud)**

